

如法受持館詩

廣慧題檢

已未奉刊

如法受持館詩

天津張克家仲佳著

讀阮南集

一卷阮南詩兩窗消炎暘假道元遺山小謝同清發漸漸露白石一泓澄不滓褰裳往從之俯仰見明月自言遊嵩高爽籟延朝笏世亂歸去來青山隨白轡白集詩盈千阮囊錢無一才駐桑梓鄉又入名利窟進退匪狐疑人事貴鵲突惟有耿耿心清夜不汨沒我也被飢驅薄宦苦囚桎風咽百疇鶯塵澆生花筆擾攘案牘間才華頓消歇忽驚見獵喜效顰通款謁大閱犢鼻褌北阮何敢叱

江亭

庭草綠隨意庭花紅欲然對此亦不惡驅車城南偏江亭高何
極驀爾憶嬋娟嬋娟去已遠香塚在眼前人間有七夕天上是
何年揮淚且歸去毋徒增華顛

書庸厂辛亥行後

革命神拳一例齊星周劫運總堪稽那知殺氣騰天地又捲愁
雲入泰西

除夕慮囚用坡公黃州除夕均

大盜不能詰小盜那可留一繫三十人哀哉皆死囚縱遣固非
計屠伯亦可羞緬懷張廷尉持平名譽休旣爲地方釀福爲子

孫謀吾寧冒不韙未敢慕前修

大風

忽驚大海起迴瀾知是封姨舞袖寬綢被無溫增客思絳幡未
樹想花殘鼓鞀動地傳嚴令樓艫橫戈下急湍破屋當年愁杜

老柴門一夜臥袁安

柴音砦塞也見
吳志張昭傳

言懷示子猷弟卽用其均

嚼蠟橫陳興已闌成雙對影未嫌單聞簫頓悟琴三疊種葦權
當竹萬竿野馬逐塵飛自易春蠶作繭解應難陽城老去渾無
賴一枕黃梁醒後看

甲寅六月十一日爲亡妻生日已兩度矣食餒因憶及之

愴然傷懷遂賦長篇

生死別經年悠悠各一天輪迴儻不謬應得觴斗翻錦綳白瓠
兒啞啞學語言問其冥府事已覺心茫然况復憶三生石上舊
因緣撒手兩無礙云胡起倒顛顧茲當初度使余涕淚潛記汝
初疾病風寒惻肺肝握手屢致訊將母壽命捐少時相者說頗
得夫子憐身命都不惡齒肥被服鮮所惜同魏文四十殞玉棺
迄今逾十載二豎苦縈纏道家忌七七非關沴戾愆大衍數用
九終當溝壑填我躬雖不閱治命及早宣大婦持門戶戚里皆
曰賢小婦學作家禮義亦拳拳閫外男子事吾今謝仔肩平生
崇儉素囊有節縮錢願爲市明器僕從車馬闔勿作寒乞相聊

代送窮篇吾亦一命婦家風守粥饘庶幾夏畦鬼椰榆不敢前
死離與生別二恨並憂煎聽之不能畢爰逃蘇晉禪直至屬纊
時撫尸爲汎瀾忽驚鼻血出承眶雙淚懸家人竊竊議心事殊
未完又疑老夫忍出門悍不還一一爲解釋且坐勿驚歎人死
已經日氣絕骨肉寒魂魄分升降欲求凝結難何能附肉身赫
然現奇觀此由同氣觸傾軋出液泉但非至親人不能啓機關
何嘗其本氣自爲薪火傳儒宗稱大事第一爲明禪猥以子孫
氣胼蠶接其先求明與求幽仿佛來格焉如其竟隔閼聖言太
虛玄若能通警效巫覡皆得仙智者敬而遠幽渺徒鑽研釋氏
重果報十道相盤旋不應生化力人事都無權未聞災祲後生

兒孿孖繁回紇尙武斷生寄死爲還究其歸何處萬里祝天山
來去不分明上帝亦詐謾獨神教相似萬物統大園末日無定
期審判一陶甄開闢數無量靈魂積億千未免閻浮界一致混
賢奸空際幢幢影盡爲鬼趣蟠言之足破涕議論如扣槃荏苒
幾寒暑往事淡如煙棖觸發長喟非爲情欲牽讀書敦倫紀立
身泯頗偏端賴細君助貧賤守青氈一作郡掾吏糟糠沒虞淵
每欲賦悼亡閣筆輒不歡雨窗聲浙瀝暑夜影闌珊翻以紀事
體欲續諾皋編詞費固無藝論篤當不刊

雨止

開門涼到地一雨洗炎苛樹影和雲倒雷聲壓屋過飛螢暗流

火止水下盤蝸頓解吾懷鬱低頭短劍摩

贈亦香同年用子猷元均

貌常秋肅性春溫市隱何嫌車馬喧靜坐觀心風駘蕩虛窗習
字月黃昏寡交自是無人相教子聊酬養士恩一事東坡堪把
臂年來辜負酒盈樽

和壁臣驟雨之作卽用其均

驟暝知將雨天心戒滿盈溼雲低欲下涼籟噤無聲簾外雙飛
燕枝頭竝坐鶯莫愁羽毛重夕照放晴明

會謝芟舟見惠之作卽用元均

十丈情絲玉斧揮干戈滿地認依稀孤鴻卻少銜蘆意不羨鷓

鵝比翼飛

鷓絃已斷不須張
漫鼓求凰曲一行
少府有花無寂寞
夜深和月上匡牀

錦瑟

錦瑟年華二百強
無端絃改欲更張
誰司門管歸屠狗
竟爇車薪止沸湯
社肉不逢平作宰
篝鐙親見涉爲王
榻來黑白分明處
一局棋消夏日長

壽華壁臣五十晉一

今年五十又晉一
伯玉知非數已溢
同年相善有幾人
莫管前途黑如漆
憶昔十五二十時
竝驅張二與華七
兩家長老數過

徒手撫圓顱倍親暱讀書種子莫遺忘德鄰不孤爾須悉美錦
學製才成幅風擔寸晷操不律扃門面試言志詩理學曾聞王
通述星移物換何堂堂轉瞬雲泥判得失飛騰日下喜乘龍瑟
縮禪中類處蝨未進還將訾邱公不才自合棄摩詰點將封神
記後庚明皇幸蜀剛迴蹕握手慰問到煙霞未改當年靈和質
此別匆匆歲月馳落月停雲空唧唧無端鞞鼓動地來星有好
箕或好畢翻手覆手皆材官羊頭羊胃盡顯秩十步之內生棘
榛六廉以下鋤屈軼拂袖歸來田南山不遇何煩臧倉尼開我
浮蟻甕頭春澆君淋漓之大筆老姥獲扇門生机壓床尺許富
卷帙酒酣耳熱談天寶卅載東華風雨櫛黃冠草屨遂初服名

韁利鎖脫囚桎縱然四壁無卓錫猶喜一堂得侍膝我聞此語
舞商羊如食佛果中邊蜜舊醅本不辭十觴况值懸孤月初吉
自來養老有奇方麴生風味勝芝朮鬚眉共識前將軍歸去莫
愁醉尉叱

疊前均奉富庸厂

錦字番番珠一一開緘四座寶光溢媿余垂老樗櫟材不值雕
鏤與髣漆束髮家塾弄柔翰詩喜大蘇詞秦七東塗西抹不覆
瓿輒以一篇示所暱矮人觀場浪得名個中聲病何曾悉自攻
帖括兀經年金陳章羅奉科律埋頭但向故紙堆餘事何能論
箸述豈無五言八均詩儷黃妃白競得失生死書叢化蠹魚規

樵字筏如蟻虱本期祿養博一官那知路入羊腸詰四上春官
鍛羽回庚子妖星驚變蹕蒙袂輯屨直北征國難家喪純素質
歸後家鄉是異鄉秋葉蕭條秋蟲唧謀生聊託肘後方元化青
囊未焚畢飼虎賣藥亦得仙豈向人間乞爵秩大亂初平苻萑
生鞞帕少年身手軼強起藉重汲長公臥治原非豐於昵因循
由此十餘年擾攘風塵常橐筆晤君恨君相見遲餉我新詩積
二帙妙緒抽蕉旬截金餘甘回蔗字比櫛何期韻事鬥尖叉翻
在慮囚脫桎梏九天咳唾坐飛花一斗醇醪室容鄰回憶生平
苦集蓼未及今朝甜飲蜜身世無須問子平詩龕歲月動定吉
清機徐引六安襟健骨百鍊天堂尤更須一鼓張吾軍千人俱

廢項王叱

追和唐瑤華畫蘭便面

生花斑管劇堪憐空谷難尋小有天取醉莫談開寶事江南牢
落李龜年

空花一現惱瞿曇蘭若幽芳信可探最是艷情刪不得又從香
草認何哉

折枝掃葉鬥眉長拂拂香風入手涼惆悵尊前人老大梅村一
曲爲王郎

月高絃索不勝寒曾倚銀屏子細看漫道瓣香甌北集石榴半
爲李郎酸

東江南偵探長許桐

每唱江南好思君意倍真
鞞刀千騎雨袴褶六朝塵
幾放秦淮棹曾開滬瀆輪
雨花臺上望應念苦吟身

陽雨今時若江南草木蘇
樓臺多雇役閒架想完租
劫火空啼鳥流氓歎止烏
官儀雖復見樵採孝陵無

虎踞龍蟠地公餘興自豪
夕陽游客展細雨美人刎
斫鱸孤山出携樽下若高
秣陵春一曲鄉思漫焦勞

藝事早兼收虛窗簪力適
石英鐫八法籀葉畫雙鉤
競渡水爲戲高歌雲不流
清才金粉地詩酒幾賡酬

金陵

石頭城闕起嵯峨廢壘斜陽感逝波幾處悲啼新鬼出一番埋
捐野狐多將軍好勇偏浮海留守無心呼渡河畢竟未成分陝
治孫恩續命欲如何

和高桐階見懷之作卽用其均

散置歸來月昏黃長奴掩口走迴廊喜見故人遺雙鯉開緘滿
紙何蒼涼憶從辛亥驚風鶴長江萬里波濤惡君也不樂居洛
陽就我蝸廬甘瓠洛牀頭一夜白髮生九鼎空擲鴻毛輕亡羊
未易分臧穀逐鹿誰能變愛憎老死鄉關誠迂闊出走江南意
一豁青山不礙老頭陀隨處袈裟隨處鉢欲寄寒衣忽倦遊攬
鏡無端兩鬢秋伊涼怕聽鄰家笛紅粉愁登少婦樓潮頭潮尾

詢舟子歸思濃于一江水不羨萼羹美鹽豉苦憶良朋裁繭紙
自來詩以愁乃工豐才嗇命由碧翁天教二水三山趣盡入君
家詩卷中會看瑞雪大如手逾淮渡江十丈厚與君飛上太華
顛俯看歲寒之三友

疊前韻和辛亥行

若大偉人孫與黃無人位置之廟廊齟牙吮血不得志恆飢無
奈色淒涼海國迴翔如病鶴十日五日灘頭惡他鄉悵望隔層
雲起倒一身誠牢落銅駝昨夜榛棘生久旅歸來走舸輕誰教
濁世佳公子新軍舊軍殊愛憎雄藩武漢江天闊龜蛇三面都
軒豁長沙地小亦回旋滬瀆江南一衣鉢灤州殺氣來上游娘

子關外又驚秋霸上棘門都已矣更無人戌夕陽樓欲渡招招
呼舟子投鞭莫斷衣襟水廟堂房杜有奇謀罪已唯宣詔一紙
切瓜剖豆計誰工努力分羹向若翁那知龍戰元黃日只爲傳
神阿堵中西風振葉不容手目解全牛刃無厚誰家天下自分
明幸勿揖盜爲吾友

新月

欲使蟾宮閔本難終留一線影團圓光明大地山河在天眼微
開不忍看

小閣留香不捲簾無端花樣門眉尖下階但解盈盈拜指甲搯
痕未敢添

一彎生小自熒熒悵望秋河入杳冥
襪被漫同吳質睡要揮玉斧補瓏玲

陰晴圓缺本難同消息還應問太空
可有德星相朗照天船橫漢析津中

畚友

煨芋當年就嬾殘
鄴侯才調自高寒
而今問我愁消息
鈴塢無聲個個圓

倻慙新詞懊惱歌未除
綺語總情多
他年若得結香伴
懺悔詩魔與酒魔

万千色相敢云空
偶向紅塵作寓公
百歲難期今過半
任人喚

取可憐蟲

靜妙微聞鼻觀香
天龍八部自成行
漢皋空解明珠珮
錯認阿難作粉郎

送高桐階之江南用韓芟舟元均

三年偕隱約羊求
忽唱驪歌事壯遊
文筆才醒都下夢
酒瓢更壓大江秋
清風入幕開鈴閣
明月窺人上戍樓
莫道六朝殘劫盡
花能解語草忘憂

題榆園圖

省識田家樂
朝朝負手行
瓜壺招客飲
梨棗息兒爭
勝地桃源近
浮名榆筴輕
杖藜隣叟至
或可是淵明

買山常欲住得地自能仙鄉味惟蔬果家風善槩鉛上星常照
夜活水定生泉料得拈毫客臨風一邈然

又一首

隔絕人間世翛然白水盟園林追庾信甲子記淵明日午呼駝
種春陰叱犢耕此中薇蕨好餉我寄郵庚

夜大雨用芟舟見寄元均卻寄二首

不寐鰓魚夜數更傾盆雨注似鑿兵施威雷掣金蛇起挾令雲
拖白練行破浪長風吹欲直射潮強弩勢難平遙知剪燭西窗
下一卷吟哦事筆耕

烹滂浙瀝雜殘更誰挽天河洗甲兵大陸魚龍爭曼衍空街鼉

黽任遊行鐙如蟹舍寒無著屋似漁舟撼不平城北城南都澤
國訪君買棹輟春耕

喜晤桐階歸自江南

入門大笑阻冬春覲面爭看白髮新半世功名隔壁帳一囊詩
史過江人樓臺尙繞南朝夢篋笥無慚東郭貧小作句留三月
暮故鄉猿鶴總相親

畚張君壽

故人恐我化蟲沙爲遣新詞當楚些連理已拚分袂去嘉禾偏
欲上襟斜浮沈宦海悲王粲補綴情天待女媧一事告君堪慰
藉詩腸酒債不爭差

和戴品三除夕贈陳庸厂元均

惱人春色已無邊
老我頭顱又一年
每見來船乘下水
任教後進著先鞭
驚陳座上詩無敵
訪戴山中雪作緣
如此清才難秘惜
卻開笑口向梅天

上元詞

閨情四疊

上鏡人語藉鸚傳
豆蔻枝頭風約煙
正是輕寒輕暖節
隔牆鄰笛儘清圓

書法簪花得嫡傳
金條脫底起雲煙
墨餘乘興敷蘭蕊
凝睇剛柔落筆圓

鬩飲分曹令已傳
鼓聲如雨酒如煙
卻憐骰子休輕擲
紅豆嵌

成顆顆圓

紅腔一曲譜河傳
爝燭生花玉有煙
歌罷不須思遠道
今宵梅鶴夢同圓

除夕月圓感賦

少小逢除夕
蹠躩不停趾
衣我短後衣
著我新絲履
但苦長廊黑
朔風吹不已
鐙燭輝煌間
不見月如水
中心自徘徊
牽衣問伯姊
我今夜不睡
幾時冰輪起
姊言茲月晦
嫦娥遊海底
歲歲復年年
如斯而已矣
東髮授詩書
光陰去若矢
頗知寒暑嬾
亦悟弦望理
豈料垂白年
天道易張弛
陽烏擅正朔
顧兔遭傾否
臘鼓鼕鼕中
爆竹聲聲裏
率子叩慈闈
小孫學拜跪
忽驚隔綺

疏璧月來戾止佳節擬中秋團圓照斐几千古此奇緣人生行
樂耳少年所舛望此日平如砥轉念上元夜清輝難如此圓缺
自推遷陰陽相伏倚且傾琥珀杯後酒亦足喜

聞喬亦香太守日膳自理賦贈

君家妙手擅調羹聞道朝朝享大烹世味酸鹹供咀嚼民生水
火劑虛盈割鮮應有東方意負鼎曾無伊尹情不是清貧饒太
守要將才藝馬卿爭

壽鄭丈墨林八十

顧盼雄姿矍鑠哉葱龍佳氣下蓬萊十年已入耆英社次子曾
參御史臺龍馬精神爲世重鴛鴦福祿自天來酒豪更作平原

飲舞綵親陪晉玉杯

聞亂

大好中州地天狼日日來萬家烟竈滅一線使輶開婦女臙脂
井將軍琥珀杯匪親原不守民命託書歎

有將思王保生兒羨仲謀如何諸劇子一現等浮漚荒穢當秋
掃纓槍待曙收孤嫠猶恤緯憂思發清謳

贈別桐階

留良何事苦巖求不許投閒馬少游一線龍蛇能縮地萬家鏜
火待吟秋雨花臺上斜陽展駐馬坡前罨畫樓籌筆祇今勤撫
字從來後樂必先憂

雜詩

花塢重重春去深
解衣換酒一沈吟
私債未完公債起
當壚人好漫追尋

臣門無雀可張羅
救國還須儲蓄多
廉吏可爲而不可
當年優孟意如何

和華壁臣閒居元均

歸來未至歎無魚
陋室何妨君子居
病脚暫辭從事酒
多情重理故人書
淵明憺退功名薄
阮籍猖狂禮法疏
愁不必驅窮不送
在山泉水自如如

北山謠

北山喬木霧淞如珠我欲從之車殆馬瘡繫馬埋輪啜泣路隅
日暮途遠心懷故夫故夫何華錦繡其襦故夫何貴金玉其鋪
一朝失勢四海毒痛鼎鑄玉石委棄道途形容憔悴獨立欷歔
被髮入山猿鶴爲徒當春萌達當秋草枯飲食清甘不知帝都

和王采臣春感四首

漫興經春嬾下堂醉鄉直儼作家鄉豕曾入笠招何益羊不修
牢穀亦亡獺祭東鄰原有意鯨吞西帝豈無傷驚回午夢銅駝
語滿眼榛荆冷夕陽

滔滔此去感年華四載空餘一現花名士逋逃漢張儉髡徒慚
愧魯朱家劇牙吮血成羅刹豔舞穠歌起藥叉最是無聊隆準

客莫哀黃竹化蟲沙

樓臺子丈起無端觀世原同觀水瀾敞屣能忘錐可補法輪已
轉軛應難啜羹餘汁千人漑舐鼎仙緣萬劫完一夢繁華醒未
得但期消受到更闌

閉門無事幾陰晴且罷棋兵戰酒兵已去光陰成昨日欲除煩
惱待來生頭顱莫問玄爲白膽氣潛消暗不鳴徒倚東風漫惆
悵護花猶喜北堂榮

辨志

拈毫常作三日惡辨志難憑一紙虛從古文人無用處敢將封
禪薄相如

偶苦暈眩大吐芟舟同年爲處方旋愈詩以謝之

不知瞑眩總無因止酒偏教醉吐茵君是折肱儂續命此身留
作未來人

瀉出青囊肘後金良宵不復聽呻吟同年相善慚瑜策肺腑先
能託賞音

輓鄭子靜通侯

儒將風流邁等倫曾聞百萬拜黃巾弓袍惆悵白頭在袴褶縱
橫碧血新廟貌峩峩應鑄范河聲鬱鬱再生申南天翹望魂歸
些醺醪一杯弔此人

題海天穩渡圖

黃葉清詞合儼崔吟髭撚罷一歔歔他年共擊中流楫知在山
涯與水涯

觀濤石上立多年潮去潮來莫問天君是飛仙今得渡不忘舊
雨話前緣

壽竇硯峰六十

大好河山在韶光此地多屏開雲母宴曲按雪兒歌浩劫餘身
健疏星聽鬢蟠登堂先索酒不必學東坡

升載泥鴻迹青鐙溯舊聞衛河千里水嵩岳四山雲浣露襟期
曠餐霞齒頰芬懷中三秀草採擷瑞繽紛

沾上繁華地斯人不易尋看花雖有意載美總無心與世雜通

介隨時自淺深於今須煖老陶令壁閒琴

餘事工圖繪濤賤手自攜簣簞參老可雲水出迂倪活色添鸚
眼幽香碾麝臍主人惟養性得意忘筌蹠

每唱黃沙遠旗亭一曲迺響沈窗外月聲徹笛邊樓也有何哉
感曾陪賀老遊滄桑今幾變往事說涼州

客去春無賴芸窗契古微牙籤排百宋墨本校三希文錦裝新
舊麻賤辨瘦肥前身毛子晉更欲探龍威

暢叙天倫樂壺中歲月寬齏春嬉綵勝燕九集辛盤負曝閒携
杖含飴倩整冠家風崇五桂不羨謝庭蘭

佳句過人日芳辰近上元占奎知歷象周甲見天根駘蕩風生

座團欒月入尊來年還鞠脰一醉定容髡

畫師

畫師欲畫美人姿美人之美如鍾馗鬼有鬼趣足風格塗抹不成成頰石石不厭醜差可喜千金價貴洛陽紙贈縑乞素紛紛來事不古若每如此愛古學古與古競古不我待今詬病古人詎皆堪尙友畫虎不成猶類狗此狗亦有佛性無趙州和尙一頰首

燒香曲

銀雲璧月泛崇光曖曖含煙高樹涼東風吹帶鳳尾長美人蓮步出洞房郎若聞香郎定喜瞬息歸來三萬里但學水乳自交

融莫學安息常沈水

明妃

明妃生有龍鳳姿初試啼聲異常兒墮地爭看渾不喜感虹示
兆有何奇徧體初無棄妾毛繞頰更少靈工髭冉冉年華十三
四亭亭麗質姬姜媿對鏡勻妝紅齒蒼臨風出手玉參差合德
原不終蓬葦玉環亦得耀門楣飛上九天名始噪廁入六宮日
盡貽三珠樹顛巢翡翠九華帳裏抱葳蕤遙看侍女掃袍袴未
向君王奉盤匱嗽金翻嫌壓髻重灑鹽焉敢引羊欺子夫占籍
忽欲出西施常賤將何爲一紙天邊賁鳳尾萬人隊裏選蛾眉
中行說按圖索驥毛延壽縮首如龜描寫容顏眞鑄錯歎灑頸

血謝相皮一串鮫珠渾無語九拜螭陛前致詞君已無人稱頗
牧兒非有意羨閼氏和親曾抵公主貴報德願靖王者師江南
有村乞垂顧幕北入夢亦馳思出岫紅雲春宛轉驚沙白月曉
迷離綿綿邈邈黃河水迤迤邐邐陰山陞長十八開比顏色大
北勝鞞逞腰支鴻鴈飛鳴鼓吹競牛羊奔走輿僮隨嚴關高矗
插霄漢絕漠度盡見官儀番女代鞞青鬃馬胡姬爲理綠雲絲
木蘭纔罷射雕日金閨正值奠鴈時酪漿皚皚白如雪氈裘茸
茸膩似脂黃金未買長門賦翠袖偏持卻扇詩單于所求無不
得賢王乍見喜可知果然英雄出巾幗遂使沙漠無旌旗將軍
漫誇頭可斷殊俗何嫌面肯勢誰言兩朝尊母后願易百歲終

女厮蚪髯琉球一消遣趙佗南越大恣睢生恥乘談與伍噲會
須浮海或居夷至今琵琶聲灑落不似箏篋鳴淒悲惟有思鄉
情不憚青青寸草向南垂

今子夜歌

皓腕金條脫酥胸繡襦遠山低到眼說是秦西妝
襞積全無用帷裳也自佳快如桶底脫六寸出皮鞵
鬢髮光如鑑鬢鬢總不華雙綫飄彩勝三綰縮盤蛇
一笑解行纏休生步步蓮雙鳧不受縛澎漲自由權
喁喁窗中語半爲兒女私握手無金戒逢儂未嫁時
屈指星期六歡來八次車笛聲猶在遠先開障面紗

被酒耳先熱調琴情未休不知歡去住小坐按颺颺
踏月不成寐玫瑰香在衣弄花還獨語知是跳琴歸

和華壁臣見贈元均卻寄

故紙鑽研似蠹魚偶同潘岳賦閒居窗中夢斷喁喁語壁上空
存咄咄書漫以頭顱酬茗芋久拚身世飯粗疏華胥一覺晨曦
上慣聽寒號說不如

和桐階代友人撰卻扇詞

門前鈺鼓響奔騰寶馬香車喜氣凝忍俊不能完白璧含羞還
欲卻黃綾

熏籠斜倚爲添妝許史金張列兩行分付雙鬟罵鸚鵡惱人情

思喚新孃

重修金屋貯阿嬌蝶妒鶯欺夢轉遙陌上花開春緩緩與郎相
會賣飭簫

吹彈得破臉生春忽憶分香賣履人同是漳臺銅雀伎金錢撒
帳亂如雲

三五東方燦小星移宮換斗不熒熒朱旛十丈誰能護石醋於
今醉未醒

也有平頭姊妹花低眉羞與嫁春華湘簾棊几臨王衛吹皺春
池不管他

趙家合德本無多雪夜單衾倍撫摩檢點香奩作魚媵五茸三

柳總搜羅

啼妝妝罷灑鮫珠曾向阿麼話故都一自回看墮馬髻龍門無
奈半桐枯

代人壽盧母

李唐大姓久名時願住人間江水湄門有延年彭澤菊家藏不
老紫山芝華堂燒燭紅堆鳳蘭闥稱觴綠滿鵝正是輕寒輕煖
候好扶鳩杖笑含飴

題畫

魚無知機一躍壺公天莊空樂

石瘦不能言菊瘦偏解語欲言不語閒幽芳自吞吐

十步之外多荆棘不如歸去媿秋色飢來落英剩可食
叫窾而疏透林木之朱殷或有小子邁泊舟石鐘山

二張烈女行

淒淒復淒淒二女中夜啼啼時微歎息欲聞聲又低家本魏文
舊遊地門前綠水猶能記自從喪亂年復年惱人多不如意事
一家轉徙到天津天津鐙月爛如銀但逐繁華甘食力豈期閨
閨與聯姻阿耶歡喜來花底逢鴉媒大女低眉不敢問中女先
下玉鏡臺藉問夫壻誰家子小樓約略平康里霜欺弱柳總愁
雲泥汗新荷成禍水女誓不嫁自守貞那知繡幃已將迎橐筆
遂興虞芮訟裂縑欲敗晉秦盟法官自有新法度不許惇惇貧

女訴三百女閭好花枝甘心箇箇金鈴護或云中有鄧氏山賭
墅輸園在此間琴庭閒罷媒風月一錢不破阮囊慳遂教狼子
生野心得隴望蜀機械深僞書有證如鐵券贗鼎未諾成藁砧
二女聞之心慄慄窗中私語不能悉母也龍鍾弟者孩况復摧
殘父命畢問天天不言呼帝帝不瞻睽睽星搖殺機動魑魍燈
昏鬼氣憑潦草擗擋總一塵從容飲藥非汝身慧心宛轉埋黃
土鎖骨玲瓏化碧燐碧燐化去不知數遮莫更逢閻羅怒九京
相見父女情誓不更向紅塵住人生知機苦不早委身汗辱空
潦倒名節舊說厭人聞弱質芳齡偏知道君不見文明競進多
女徒挾書携手傍金夫朝習堂上課暮作酒家胡問名搖手不

可說乃父方爲大金吾又不見高軒過駿馬驤金印紫綬重且
長朝秦暮楚長安道廉恥喪盡彌輝光生逢亂世且徜徉誰云
吉卜終焉臧女曰不可戮彝常女曰不可返家鄉女曰不可入
廟堂吁嗟乎女如此死女何傷吁嗟乎女如此死吾心傷

李園芍藥開主人見招不果往詩以謝之兼乞芍藥

筍櫻時節集羣仙爲賞將離燦一闌祇恐夜深花有約芳姿不
喜白頭看

詩腸酒癖總難刪悵望肥環隔水灣少府無妻春寂寞乞將數
朶伴香山

七夕前一日不寐口占

送涼疏雨響庭柯良夜初長遣睡魔苦薜回甘濃似酒清談有
味豔于歌籐牀角枕流明睭翠羽珠鈿襯笑窠曙色微分雅鵲
噪伊人喚渡隔秋河

夜雨感懷

雲追莽翳文如蜺車走阿香聲有稜石壁欲穿塘颭葦天梯若
下溜懸繩搔頭疑作浮槎客截髮眞成挂墻僧欲挽銀河飛渡
去卻愁帝座已無朋

入夜蕭條寂復喧晚香和冷沁詩魂移牀謹避紗窗溼卷幔應
妨布被溫偎影成雙人在壁銷聲不速客敲門東鄰也有吹笙
侶懊惱來窺宋玉園

偶成

詩成無可語說與酒壺聽
酒壺偏解頌啞作瓶笙卽此當童
鳥不必名麴生

夜坐卽景

風生大地白雲讓半天青
二十睜睜月万千閃閃星魚頭潛出
水荷葉暗流馨此際吾無慮華嚴一卷經

鵲突

鵲突遣悲懷已歷四五年
灑掃資僮僕炊白出傭錢頗得禪中
理况味在孤眠客來責吾過如此意未忤神州五千載今復戴
堯天豈不聞虞嬪觀型下有鰥君當自修飭未可委病孱高堂

攬明鏡霜雪滿華顛
衫衣二女果何以慰紅顏
正恐蒼梧泣空使斑竹斑
揮手謝客去九事齋八關

讀陶詩形影贈畲有感戲倣其體

意贈言

龍聽不以耳蟬鳴不以口
人生天地間其用則否否言爲意之
關意爲言之守一日不可離
乃今輒相狃吾意所不然爾
言起爲壽擅此出納權縱不
旣往咎如何動見欺謂意所
甘受好惡不相謀是非增儻
負遺之一紙書請將書紙後

言畲意

聖門設四科不聞附以意
太上三不朽言乃獨樹幟
造意與造

言功過同一致縱未涉世深但覺出辭易君子與人同畸士標
獨異樞機偶不慎邱垤丈人躋矧茲風氣新伸縮有餘地要盟
本無信過時應淪棄舌在儀已足脣亡虞可覲還君一紙書爾
汝原無忌

心釋

良工不示璞善藏葆其真逐逐形色間何能窺至人明哲以保
身寧靜以和神

壽高桐階

問君何所有消寒值三九囊有千首詩床有一壺酒風雨時過
從入門先哮吼轉瞬三十年君翁我亦叟誰知少壯時鏢院輩

聲久思必窮九曲書遍窺二酉見跋一菘成湜籍駭而走我亦
策蹇驢破帽隨君後顧謂良不惡可以覆醬瓿中歲忽不樂遁
入烟霞藪一鐙熒慘綠笑縱談天口借問道旁都高句驪商婦
盛鬢鬢如雲豐肌雪若藕窄窄鳳頭鞵對對獅子鉞按曲澀未
調巧笑君知否餉我閉門羹白牖執其手舉座皆軒渠一人獨
忸怩萊蕪青且白大嚼爲解剖旣簪學士花又種河陽柳南北
幾奔馳歸來成老醜新知多寂寞舊侶三五友和詩鬥尖又縱
飲輕升斗醉後每大言吾將充面首且去石床眠勿徒呼負負
我有詩一篇名之埽愁帚寘君懷袖中還期報瓊玖

酬趙幼梅元均

每把遼東集一哦搔頭不管鬢毛皤池中水滿留蓬梗牖下風
柔泛茗柯宛委連雲爭臺削高空孤鳥入煙蘿拋書頗憶江南
味五嫂烹魚竟若何

歸自瀋陽再疊前均

展輪仍不廢長哦敢詡詩壇老將皤但見黃霾迷北塞更無白
墮引南柯水中樹宅哀鴻雁牆外人家衣荔蘿一夜聽風七百
里庭槐先問近如何

豔體酬趙幼梅呻字均

洞房深處捧心顰慵起非同無病呻眉嫵有痕留半月靈臺乏
藥轉三春墮鞭未必真情種題葉空勞寄遠人雲雨巫山成昨

夢愴懷一騎荔枝塵

和趙幼梅見寄元均

噩夢無端昏曉侵披衣強起步庭陰避囂祇合垂頭睡觀奕何
須擁鼻吟桐梓青牛知物變螳螂黃雀駭機深到頭誰識舟流
屈金玉還期闕爾音

調趙幼梅

連宵弄筆對鐙青先後如爭膝辭盟更莫苦吟耽好句君家醋
甕在中庭

錦縣喜晤項賀豐大令

馬上吹笳三兩聲故人小隊喜郊迎半年一握輕言別草草勞

人過此生

過松山杏山

黃沙極目接柔藍屈指將逢三月三山有佳名松杏香桃穠梨
瘦憶江南

過新民府所見時柳河決

伊人宛在水中央欲往從之一葦杭牆有四周三五樹更無舟
楫識空莊

奉天幕中庭槐有人鐫名貪吏也詩以哀之

甘棠遺愛古今情佳話原期洗耳聽地已無皮何況樹庭槐猶
欲自鐫名

子夜歌

上山採白雲下山汲流水遲郎郎不至終日雲水裏
郎遣疾足至明朝返故鄉推窗天欲雨翦箇埽晴娘
郎欲臨邛去歧途一送之歸來儂迎接深淺較蛾眉
牆外樹朱旛爲愁風雨妒莫護石榴花小妹名醋醋
鴛瓦兩狸貓嗷嗷作胡語爾亦應天星其名爲郎女

過賢良寺

耳熟賢良寺來觀及早春游魚潛避客喬木俯看人梵唄喧僧
侶琴書屬老臣

李文忠公作寓於此故物猶有存者

忽聞笳鼓競知未隔紅塵

寺旁

爲軍需學校

緇衣多俗念指點到璿題胤子螭坳拜魔王象教迷羹湯竹作
肉餽飢棗攤齏儘有貪饒意如何拂袖西

代人壽富察母

索笑先開嶺上梅餘芬和暖入金杯蟠桃蹙進千年實正是文
郎海外回

遼東大姓久蜚聲近代崔盧孰抗行一自京華直北望婺星常
照五茸城

和芟舟同年元均

老去都無賴惟君狂有名孤眠妙禪悅夕食覺身輕綠螳論賢
聖青囊託死生最憐京洛度飯後始鐘鳴

聞歌

寂寥庭院寂寥天
璧月來窺覺後禪
嬌鳥向人歌白紵
好花笑我露華顛
賞心偏耐青娥冷
癖性生憎玉女憐
廿八蕩絲牽不斷
剪刀風過亦徒然

獨坐

一鏡寒且瘦
獨坐到更移
料理詩文債
商量心口知
風簾花撲遶
雲翳鏡迷離
夜永無忙睡
喚來黃耳嬉

題姚朗山先生詩集

生花健筆夢魂蘇
訓唱誰能辨爾吾
自古清才關宿慧
又歎殘墨到詩餘

清思一縷度春煙柳綠鶯黃總帖然應是少年窗下課如何不見旅行篇

題姚稔齋先生詩集

風流老輩已難尋梅社全荒直到今賴有遺篇歸大雅長城五字勝兼金

蓮坡老去騷壇冷展卷還疑圖畫開我亦水西莊外客更無從識數帆臺

太常仙蝶圖爲姚品侯作

胡蝶名縊女半爲彊死魂又爲巫蠱使觸之神氣昏姚子裝池成巨牒道是太常之仙蝶按圖志志不敢看恍疑鬼趣矜蹀躞

憶昔少年遊

帝闈黑甜作寓恰比鄰

李潤生自號黑甜鄉主人

與蝶結緣日最久往來數

數成交親飲以桑落酒食以蘋婆果呼以老道人栩栩似云可
四足若鴟蹲左翅稱仙跛乾色敗葦黃雙鬢黑骨朶不喜入花
叢亦惡聲喧歌見人了不驚忘機無爾我恩恩彈指二十年黑
甜一夢渺如煙周也蘧蘧今大覺不知與蝶孰得仙姚子曰否
否吾與童年友登岱過江一相逢京塵沾水常八九湫澱朝陽
曬粉衣庭柯驛樹總依依應是散仙工遊戲不羨天闕朱紫緋
吁嗟修仙歷瀛島青鳥不來空潦倒希兮夷兮尚有兆况復化
身未能掃祇因好結文字緣徒留委蛻在人閒人閒機祥數不

盡珍珠九曲誰能穿上不爲全真下不爲老魅隱見無定時去
來成獨自百千萬年常如此飽看桑田變海水緘詩贈君兼贈
蝶將母笑我老諄不解事豐干饒舌抵之地

漫興

老嫠恤緯幾經秋肯作凝妝上翠樓惠遠不爲陶令酒冒黎偶
與大顛游眼前魚鳥三春好鏡裏湖山一叟收贏得閒情永今
夕解人漫向鹿蕉求

柬錢塘道尹王詎庵

銅琶鐵板大江東拍手吳山越水中檢點詩囊成獨往倪隨坡
老數游蹤

黃沙北地本無春
眼界江南一日新
直把西湖比西子
用句說
詩須避隔簾人

老鶴翛然已出樊
湖山管領冠羣仙
波心亭上煎茶好
買箇樵青價幾千

過江名士渾無據
入洛才人早屬君
八月枚臬知有筆
可將潮信寄停雲

代人題畫

誰知兩世舊交情
轉燭年華失後生
同在鄉閭成異客
相逢一笑各通名

舊家門巷鼓樓東
瓦狗泥僧嬉戲工
五十餘年如去矢
蕭疏白

髮已成翁

庚年我屋儼浮槎庭戶生苔竈產蚌猶記伴來相慰問未隨天
水化蟲沙

彩筆飄然思不羣好花嫣笑爲傳神虛堂素壁今生色伴我閒
吟老此身

壽韓芟丹六十

搔首休嗟老病加幾人贏得鬢毛華園亭松菊堪呼酒門巷枇
杷亦喫茶冠履已非人異代袈裟未著客無家變遷岸谷今容
易揩眼看來莫泣花

示禁煙局諸子

憑空寫照幻耶真裙屐聯翩十七人不使煙霞成痼癖翻教案
牘損精神萍蹤無定分三月鴻爪留痕恰十句此別東風各珍
重年年寒食感前因

丁巳秋大水

万千鐙火正防秋忽倒狂瀾入北流是處龍蛇多若鯽誰家鶯
燕化爲鷗塞河空有文成術填海難酬精衛謀試問伊人水之
渙從游幾度易車舟

壽李丈子明七十

有花恨無百日英有酒恨無千日醒先生有花兼有酒不與俗
人同其程春泥滑澆雨初晴將花載酒聽流鶯不如自闢十弓

地左爲花窖右酒罌澆酒澆花花愈媚搓花入酒酒愈馨客來
同醉獨亦醉芳氣襲人那復醒桃源不知魏晉號五柳只注甲
子名百四十歲容易得此花此酒誰與爭

又

麻姑東下舞霓裳舞罷那復談滄桑道是此翁清不俗圖書洗
眼酒滌腸

小園近在水之濱春來勺藥織成茵舉觴一笑呼前輩吾亦亭
邊有麗人

科頭箕踞小兩間素壁挂琴心自閒不是覓詩且覓醉都忘賀
若與陶潛

暗中摸索識盧駱頻揩老眼不生花一事類君君莫笑蹇驢破帽隨香車

題趙幼梅爲其先德梅岩先生曳車圖寫照

平塗休誤路三叉上坂誰能健步誇不識孫陽今在否空教騏驥困鹽車

朱輪十乘吾休矣薄笨柴車自曳之倔彊是翁牢落甚誰知後載有佳兒

曾經喪亂去無蹤十八年來一轉蓬得失尋常手澤重將母寶玉大弓同

縱無驚寵亦無尤下澤追陪馬少游自笑輜材差比似偏思局

促作詩四

題喬亦香三色書陸詩後

陸詩蘇書千古奇奔赴腕下何淋漓忽如雨霽垂虹霓神采奕奕誰能爲黃帝子孫多岐嶷羌乃橋陵之燕貽朝朝染翰心不怡日迷五色終狐疑不如繪日三竿宜驅遣造化如小兒西山采黛研隄麋秋菊落英摘東籬蔚藍縹緲露天倪一洗凡艷與俗脂書成藏弄無人知二老降庭相追隨更須擲筆化蚪螭十二萬年絕塵馳

和戴八寄懷元均 二首

送汝雞林去尋詩紀勝游放衙一夜雨倚郭萬山秋蘇陸皆成

侶機雲未寡儔不須回首望西北故鄉樓

訪得眉樓在應教載美行三春原有價孤客亦何情溪壑雙脩
穩江花一夢清莫將摹短髮便欲說無生

贈喬亦香同年

有序

戊午十月既爲製屏言之長矣顧文有體裁兒童嬉戲
之事不能羸入然於操觚落想之時舊緒紛如入我懷
抱有不能概從割愛者爰作小詩十二首以足成之正
如老僧登壇說法時及當年行脚挂單某山某水津津
樂道不絕也文不求雅馴紀實而已後之攬者以爲老
輩風流也可以爲少年淘氣也可然淘氣之事止於此

矣非若後生蕩檢踰閑而謂禮法非爲我輩設也觀過知仁當有不河漢斯言者

試馬春郊日鞭絲帽影同冰澌殘雪黑樹直夕陽紅不羨翻身射惟憐妙手空歸途方覓飲一醉氣如虹

賞雪行沽酒更闌興未降燭低惟見雁語細不驚庖捧蛸出深檻塗鴉在短窗歸歟同杜牧兄弟各雙雙

夙有看山興西城一日馳不聞鈴語詎料飯僧窺萬目熒熒豆千頭蠢蠢皮可中亭上客養到木鷄時

本是和羹手功成火到初餘甘分婢僕至味在魚豬大國烹鮮似細君割肉虛趙陽臺未解滌器爲牽裾

早歲祇錢癖

南園

家風又好蘇取携由藝圃搜括走書奴每辨

雲濤字兼工笠屐圖龍頭終讓華不肯與爭途

去去誰家巷驅車到陝西莫辭三日酒同聽五更鷄微綻新鮮
顛輕携滑笏黃劉晨歸採藥偶語北窗低

秉燭隆冬夜行行又一村澤中哀集雁釜底出蒸豚同里先分
惠周阡亦往存最憐天下士袍袴尙無溫

邱嫂年方少燒燈作壽筵登堂頓首再排闥賀錢千見裏冠難
整無巾袖自便莫調嬰武舌說向小星前

瑟瑟西風起飛鳶首共翹綠飄雙帶穩紅綴一喬標馭自天孫
下笙聞帝子調玉繩牽不斷明月坐清宵

鑠院聯翩至提携未是勞課文思肘篋試帖倩操刀湯餅聲聞
噴羹瓜首屢搔祁寒兼短晷西北咽風饕

家有神仙笈嬛娜只自精還疑赤松子不是魯諸生十錦催花
秘孤燈照水明較量功過格惆悵到三更

年少春秋日同來校秭林當門驚顧兔監場說錫音傳稿心都
熱聽宣氣倍沈至今醒醉眼好夢已難尋

壽嚴範孫六十

書生志願本難酬到老工夫祇自修三教有人皆引重八荒無
處不來遊但從實地求經濟肯逐流風任去留六十衰翁何所
著富春釣隱是家猷

勘誤表

頁數	行數	數字	數	本	作	誤	作
三	十七	十四	數	浙		浙	十三同
五	一	一	數	從		徒	
	二	七	數	檐		擔	
	二	二十一	數	孤		孤	
七	二	二十三	數	秦		秦	
	十七	八	數	落		洛	
八	十一	十七	數	戊		戊	
	十二	十九	數	己		己	
	十九	二十四	數	摺		摺	
十	六	十三	數	卻		卻	十一十五同
十三	十三	八	數	痛		痛	
十四	二	三	數	十		子	
	六	十四	數	潛		潛	
十六	四	三	數	頑		頑	
	十七	二	數	貽		貽	
	十八	六	數	匱		匱	
二十	五	二十三	數	魃		魃	
二十六	二十	三	數	牒		牒	
二十七	十五	二十二	數	昌		冒	
二十八	十六	四	數	舟		丹	
	十九	七	數	眩		泣	
三十一	十五	二十	數	彪		癩	

